

traversa toute l'Espagne, & y establit la puissance des Payens, par la perte comme on dit de bien
 70. mille hommes tuez tant d'un coste que d'autre. Pelagius Oncle du Roy Roderic, qui s'en estoit
 fuy en Cantabrie, ayant veu la cruauté de Vitize, qui avoit faict arracher les yeux à son frere Theo-
 debert lequel estoit fort pour resister aux Sarrasins; assembla la reste des Chrestiens & s'en alla ha-
 biter au pays d'Asturie, lequel estoit fort bien muny de montaignes, de sorte qu'il pouvoit ayse-
 ment resister à la force des Sarrasins, & fut la créé Roy, affin de fayre la guerre derechef à l'enne-
 my, qui comme maistres du pays, avoyent erigé plusieurs Royaulmes, & entre autrez à Seville.
 La guerre entre les Payens & Chrestiens dura long temps. Mais en fin Ferdinand Roy de Leon
 troisieme de ce nom, chassa les Sarrasins de Tolete. Seville, Cordube & autres places, & par ce
 moyen delivra l'Espagne de la malheureuse domination des Sarrasins, lesquels il en ferma, com-
 me en un coing en Granada, qui est une partie du Royaulme de Cordube : laissant la victoire de
 ceux-la, à un autre. Ferdinand, comme Prince magnanime & fort, chassa ce reste de Granada,
 rendant la Betique paisible & heureuse souz la puissance des Chrestiens, qui en avoyent esté chasses
 par l'espace de 700. ans. Apres ceste victoire les Sarrasins n'attenterent plus rien sur aucune des par-
 ties d'Espagne affin de recouvrer ce qu'ils avoyent perdu. Au reste l'Andalusie ou Betique a esté
 anciennement aussi fort renommee, comme surpassant en fertilité, gras & plaisant terroir toutes
 les autres provinces. Trogus escrit que le bestail prend icy si bonne nourriture, que si on ne les
 faysoit jeusner & amaigrir, il se creveroit. Et non seulement la terre, mais aussi la mer (que les
 anciens ont appellé la Turdetanie) y rend beaucoup de proffit, à cause de l'abondance de toutes
 sortes d'Huistres, Moules Poupres, &c. & de la pescherie des Thonnines, de laquelle on re-
 tire un grand revenu. Aussi sont les villes fort peuples en ceste province. La principale ville cest
 Ceville,

